

增補卷五

卷五之卷五

尙友錄卷十二

劉

彭城宮音陶唐氏之後受封于劉裔孫劉累事夏孔甲爲御龍氏商爲豕韋氏周爲唐杜氏伯子騭叔奔晉爲士氏孫士命適秦復歸晉有子留于秦爲劉氏周定王母弟劉康公爲周大夫諡曰康食

采于劉亦爲劉氏士會之後公熾徙豐熾生劉邦字季婁敬德漢賜姓劉項伯歸漢賜姓劉知遠沙陀人冒劉氏魏文帝革胡俗改獨孤爲劉

劉向

漢字子政本名更生楚元王四世孫年十二以父德任爲輦郎既冠以行脩飭爲諫大夫宣帝招選名儒俊材向與焉獻賦頌凡數十篇元帝卽位蕭望之周堪薦更生明經有行擢爲散騎

宗正以譖免官成帝時復起爲光祿大夫以趙后淫亂著列女傳以王氏權太盛作洪範五行傳及說苑五十篇數言得失陳法戒辭多痛切發於至誠上數欲用爲九卿以王氏居位者所持故終不遷居列大夫三十餘年七十一卒向嘗校書天祿閣夜獨坐有老人衣黃衣植青藜杖扣關而進吹杖端焰與說開闢前事出天文地理書悉授之至曙而去問名曰太乙之精聞卯金之子好學下觀焉唐貞觀

十三年配享尼父廟庭宋祥符間詔封彭城伯子三人俱賜歆

劉晨

漢剡溪人明帝永平中與阮肇同入天台山採藥路迷糧盡望山頭有桃共取食之下山見蔓菁渡一水杯流出胡麻飯屑二人相謂曰去人不遠度一山頭見二女顏色殊妙便喚劉阮姓

名問來何晚如舊相識因邀至家廳館服飾精麗牀帳幔七寶瓔珞都無男子須臾下胡麻飯出羊脯甚美又設甘酒有數客各持三五桃來云慶女婿各出天樂日莫客去劉阮止宿行夫婦禮住半年天氣嘗如三二月百鳥哀鳴二人求歸女曰來此宿福所招得與仙女交接罪根未盡使君等如此諸仙更作歌吹送劉阮從此洞口去不遠至大路如其言還鄉無有相識驗得第七代子孫聞上祖入山採藥不返栖泊無所欲還女家不獲路矣晉太康八年忽失二公所在

劉根

漢京兆長安人漢成帝時入嵩山學道神人授以秘訣遂得仙用術濟人潁川太守史祁以爲妖遣吏召根欲戮之至府祁曰能召鬼卽止不爾當戮根曰甚易借筆書符忽兵甲縛二四

臨前祁熱視之乃父母也祁驚愕流涕鬼責其子曰汝何得罪神仙乃累吾如此太守伏罪求赦方解根遂去不知所之

劉

珍

漢字秩孫南陽人少好學永初中爲謁者僕射詔校定東觀五經諸子傳記百家藝術作建武以來名臣傳遷侍中拜宗正轉衛尉卒所著誅頌連珠凡七篇又撰釋名三十篇以辨萬物之

稱號云

劉

昆

漢字桓公關陽人深于易教授子弟五百餘人王莽篡位昆隱河南負嶺山中光武時歷江陵令縣連年火災昆向火叩頭即能降雨止風旋遷弘農太守先是穀阻驛道多虎行旅不通昆

爲政三年仁化大行虎皆負子渡河帝異之徵爲光祿勳召問曰前在江陵返風滅火後守弘農虎北渡河行何德政而致是事對曰偶然耳左右皆笑其質訥帝歎曰長者之言也願命書諸策

劉

寵

漢字祖榮牟平人宗室子父不博學號爲通儒寵以明經舉孝廉遷會稽太守簡除煩苛察非法郡中大化徵爲將作監大匠山陰五六老叟齎百錢送寵且曰自明府下車以來狗不夜

吠民不見吏某山野老鄙遭值聖明今聞棄去故來奉送寵爲之選一大錢受之累遷至司徒太尉

劉

寬

漢字文饒華陰人司徒崎之子性仁厚桓帝時遷南陽太守吏民有過但用蒲鞭示辱而已終不加苦每行縣見父老慰以務農之方勉以孝弟之訓人感德興行日有所化嘉平中拜太尉

當朝會大人欲試寬令恚使侍婢捧肉羹汚其朝衣寬神色不異乃徐言曰羹爛汝手乎其性度如此寬嘗於坐被酒睡伏帝曰太尉醉邪對曰不敢醉但臣任大責重憂心如醉後封還鄉侯寬嘗行

外有人失牛者乃就寬車中認之寬無所言下駕步歸有頃認者得牛以牛送還叩頭謝曰慙賈長者隨所刑罪寬曰物有相類事有脫誤幸勞見歸何謂謝之州里服其不校皆悅而從化

劉

褒

漢桓帝時畫雲漢圖見者覺熱又畫北風圖見者覺寒

劉

平

漢字公子彭城人鍾離意薦于朝有詔徵之特賜辦裝錢初奉母避亂弟有遺腹女平抱弟女如已子匿山澤中出求食遇賊將烹平乞歸食母乃就烹既而如期往賊義而釋之

劉翊

漢字子相潁陰人累官陳留太守及歸惟乘車馬不載他物道遇張季禮遠赴師喪遇寒冰車毀委頓道路翊卽下車與之不告姓氏見一病死者輒以馬易棺葬之逢有人困餒又殺所駕

牛食之或止之翊曰視死不救非義士也

劉梁

漢字曼山宗室子孫自少孤貧賣書于市以自資常疾世多利交以邪曲相黨乃著破軍論譏之覽者以爲仲尼作春秋亂臣知懼今此論之作俗士豈不愧心桓帝時舉孝廉除北新城長

後拜尙書郎

劉淑

漢與陳蕃竇武爲三君劉祐等爲八俊劉祇等爲八顧劉儒等爲八廚皆漢末賢人

劉德升

漢字君嗣桓靈之世以造行書擅名旣以草創亦甚妍美風流婉約獨步一時

劉惠

漢韓馥爲冀州牧惠爲治中時袁紹起兵以討董卓爲名腹謀於衆曰助袁氏乎助董氏乎惠勃然曰與兵爲國安問袁董

劉猛

漢瑯琊令爲尙書令時桓彬與中侍曹節壻馮方同爲尙書郎彬素厲志操鄙方不與共酒食會方深怨之遂上章誣以事下尙書令猛雅善彬不舉正其事節大怒劾奏猛以爲阿黨請收

下詔獄猛意氣自若旬日得出免官禁錮

劉表

漢字景升山陽高平人魯共王之後初平中爲荊州刺史襲取宗賊江南悉平李傕入長安因遣使奉貢以表爲鎮南將軍封成武侯假節越以爲已援於是威懷兼治萬里肅清關西竟懷

學士歸者蓋有數千愛民養士從容自保及曹操與袁紹相持於官渡紹遣人求助表不援後操自將征表未至表疽發背而死

劉楨

三國字公幹東平人有逸才以文章見重於魏文帝與王粲等號建安七子曹劉爲絕唱鍾嶸曰若孔門用詩則公幹升堂子建入室景陽潘陸可坐於廊廡之間

劉劭

三國字孔才邯鄲人魏文帝時為尚書散騎侍郎受詔集五經羣書作皇覽拜讀都尉定律令嘗作趙都賦明帝美之詔作許都洛都賦時外興軍旅內營宮室二賦皆寓諷諫後執經講學

賜爵關內侯

劉綱

三國字伯經下邳人初居四明山及為上虞令慕漢葉令王喬乃受道於白君飄然有遠舉之意

劉諶

三國封為北地王以後主將從譙周降魏之策怒曰若理窮力屈禍敗必及便當父子君臣背城一戰同死社稷以見先帝可也後圭不納遂送璽綬是日譙哭於昭烈之廟先殺妻子而後

自殺左右無不為涕泣者

劉琨

晉字越石少得雋朗名初與祖逖俱為司州主簿同寢中夜聞雞鳴逖蹴琨覺曰此非惡聲也皆起舞後聞逖殺用勝敵與親故書曰吾枕戈待旦志氣慷慨逆常恐祖生先我著鞭在晉陽為

騎兵所圍琨乘月登樓清嘯中夜奏笛敵人有懷土之思棄圍去永嘉初都督并幽冀三州事兄璆字慶孫京師語曰洛中奕奕慶孫越石

劉弘

晉字季和荊州刺史舊制峴方二山澤中嚴流禁弘下令曰禮名山大川不封與共其利今公私兼井百姓安乎悉聽民捕魚每有興革遺書守將爭赴之曰得劉公一紙書賢于十部從事

時天下大亂弘專督江漢威行南服事成則曰衆人之功如敗則曰老子之罪衆皆悅

劉伶

晉字伯倫沛國人容貌甚陋放情肆志悠悠忽忽土木形骸常以納宇宙齊萬物為心不妄交游與阮籍嵇康相善欣然神解性尤嗜酒嘗著酒德頌一篇仕東晉為建威將軍嘗乘鹿車

携一壺酒使人荷師隨之曰死便埋我又嘗求酒於妻妻曰君飲太過非攝生之道伶曰當吾神斷矣妻乃具酒伶跪祝曰天生劉伶以酒為名一飲一石五斗解醒婦人之言慎不可聽引酒御肉陶然復

醉伶縱酒放達或脫衣冠裸形在屋中人見譏之伶曰我以天地為幃宇屋室為褌衣諸君何為入我褌中

劉智

晉字子房高唐人少資質新自給雜以儒行稱官潁川守兄湛字子武少資牛衣自給博學持清操累遷司空以世風奔競著崇讓論矯之管轄嘗曰每與劉潁川兄弟酬使人神思清發

晉不假寐外此則白日欲寢矣

劉訥

晉字令聲彭城人有人倫議璧初入洛見諸名士歎曰王夷甫太鮮明樂彥輔我所敬張茂先我所不解周弘武巧於用短杜方叔拙於用長訥累官至司隸校尉

劉白墮

晉河東人善釀酒久曝日中味不變飲之不醒因名酒爲白墮有甔入雷劫盜飲之醉皆被擒又名鷓鴣

劉惔

晉字真長漢氏之後有雅裁雖華門陋卷晏如也歷司徒左長史侍中丹陽尹爲政務靜信誠風塵不能移也病危家人請禱惔正色戒勿淫祀嘗與王濛共行日吁未食有相識小人貽

其餐甚盛惔卻之濛曰聊以充虛何峻拒惔曰小人都不可以作緣殷中軍問自然無心于取受何以正善人少惡人多諸人莫有言者劉尹答曰譬如寫水著地正自縱橫流漫略無正方員者一時嘆

以爲名通王仲祖語真長曰卿近大進惔曰卿仰看耶王問何意惔曰不爾何由測天之高也惔沛國蕭人

劉鯪

晉字長魚幼不染俗長而希古篤學勵行化流邦邑咸康中詔博求異行之士鯪以博士徵隨使者到京師自陳年老不拜以壽終

劉公榮

晉與人飲酒雜穢非類或譏之答曰勝公榮者不可不與飲不如公榮者亦不可不與飲是公榮輩者又不可不與飲故終日共飲而醉王戎弱冠詣阮籍時公榮在坐阮謂王曰偶有二斗

美酒當與君共飲彼公榮無預焉二人交觴酬酢公榮遂不得一杯而言語談戲三人無異或問之阮答曰勝公榮者不得不與飲酒不如公榮者不得不與飲酒惟公榮可不與飲酒

劉牢之

晉字道堅彭城人漢元王交之後面紫赤色鬚目驚人而沉毅多計盡太元初謝玄鎮廣陵以牢之爲參軍領精銳爲前鋒百戰百勝號北府兵敵人畏之復爲龍驤將軍領江州事遷會稽

太守與敬宣謀襲桓玄猶豫不決而死

劉殷

晉字長盛新興人曾祖母王氏盛冬思薑食殷方九歲往澤中慟哭薑忽生得斛餘而歸又嘗夢人謂西籬下有栗捫之果得栗十五鐘鄉人異之銘曰七年栗百石賜孝子劉殷有子七人

五子授五經一子授太史一子授漢書一門之內七業俱興

劉毅

晉字仲雄掖人幼有孝行厲清節太康初為司隸校尉糾正豪右京師肅然武帝嘗問朕可方漢之何帝對曰桓靈帝曰吾雖不德以方之桓靈不亦甚乎毅曰桓靈賣官錢入官庫陛下賣

官錢入私門以此言之殆不如也帝笑曰桓靈不聞此言今朕有直臣固不同也累官至尚書左僕射

劉敏元

晉字道先北海人勵已脩學好星曆陰陽術數永嘉之亂同郡管平以年老從敏元西奔為盜所劫敏元謂賊曰此公餘年無幾願以身代盜長欲舍之內一賊弗聽敏元奮劍前曰吾豈聖

生邪願與諸君除此人盜長遽止之相謂曰義士也俱免之後仕劉曜為中書侍郎遷太尉長史

劉兆

晉字延世濟南人武帝時五辟公府三徵博士皆不就安貧樂道潛心著述不出門庭數十年竟不仕卒于家

劉毅

晉字希樂沛人曾祖距廣陵相叔父鎮光祿大夫毅少有大志性剛猛沉斷與劉裕何無忌起義兵破桓玄累功封南平郡公復加都督荆寧秦雍諸軍事開府儀同三司荆州刺史持節如

故初桓玄于南州起齋號蟠龍毅少時字也至是遂居之後與裕不相推伏裕以其貳已攻之為王鎮惡所襲毅自經死毅家無儋石之儲樽蒲一擲百萬

劉捷卿

晉續詩書禮樂春秋五說既成語人曰天下滔滔知我者希終不以示人

劉寶

晉字道真高平人著歷代史書考異

劉麟之

晉字遺民一字子驥晉末作柴桑令人多以柴桑翁為淵明不知遺民嘗作此令也慕遠公名德白首同社時以陶淵明周續之劉麟之為潯陽三隱桓車騎在荆州張玄為侍中使至江

陸路經陽岐村俄有一人持半小籠生魚徑來造船云有魚欲作膳張乃維舟納之問其姓氏稱是劉
道長張素聞其名大相忻待劉了無停意既進驗便去云向得此魚觀君船上似有瞻具耳 驛之隱
於陽岐桓冲嘗至其家驛之方條桑謂冲既狂駕光臨宜先詣家君冲遂詣其父父使驛之自持濁酒
煩菜供實冲勅人代之父曰若使官人則非野人之意也去家百里有孤嫗疾將死謂人曰劉長史當

埋我驛之聞
之為治棺殯

劉海蟾

名玄英白鶴觀知事崔重微忽見道人謁於堂下揖之坐不語但微哂重微起取金相贈未入
房已聞弄筆聲急回視已失道人壁間有題字以仙書證乃秦人劉海蟾之筆 海蟾以明經

擢第仕燕主劉守光為相素喜性命之說 仁宗天聖
九年弟子張平叔遇海蟾於益都授以金液丹之訣

劉義慶

南北封臨川王宋宗室子潛居研志耽情墳籍為宗室之表
所愛佳事消言輒采而書之類而編之曰世說新語行于世

劉瓛

南北字子敬瓛弟方毅正直宋泰豫中為明帝挽郎瓛嘗夜隔壁呼之瓛下牀着衣立方應瓛
怪其久曰向來束帶未竟其立操如此 瓛五歲聞舅氏讀管寧傳欣然聽之曰此可及也袁

裴其清德
蕭為秘書郎

劉穆之

南北字道和莒人徙居京口從宋武帝平建業諸大處分倉卒立定累加尚書左僕射帝北伐
留守建業內總朝政外供軍旅決斷如流事無壅滯後以佐命元勳追封南康郡公諡文宣

孫瑀仕至御史中丞微時苦貧嘗往妻家食畢求檳榔妻兄弟曰君嘗苦飢何用此物後為丹陽令召
嬰兒弟以金盤貯檳榔一斛以進其子也愛食瘡痂以為味似鯢魚嘗詣孟靈休靈休患疾瘡痂落在

席上取食之靈休大驚痂未落
者瘡痂取飽也靈休舉體流血

劉凝之

南北字隱安南郡枝江人劉宋時隱居不仕時年饑衡陽王義季慮其餓死餉錢十萬凝之大
喜將錢至市門觀有饑色者悉分與之俄頃而盡 初衡陽王遣使存問凝之答書頓首稱僕

不為百姓議或讀之答曰未聞集許稱臣 擬之性好山水一旦搗
劉子泛江湖隱居衡山之陽登高山絕人跡為小屋卒年五十九

劉伯龍

南北少而貧薄及長歷位尚書左丞少府武陵太守貧窶尤甚嘗在家慨然召左右將
營什一之利忽見一鬼在旁撫掌大笑伯龍嘆曰貧窮固有命乃復為鬼所笑耶遂止

劉謙之

南北少好學撰晉紀二十卷
官至廣州刺史大中大夫

劉瑱

南北字士疏仕齊歷尚書吏部郎義興太守少有行業文藻繁隸丹青
並為當世所稱時有祭陽毛惠遠善畫馬瑱善畫婦人並為當世第一

劉孝綽

南北小字阿士七歲能為文母舅王融稱為神童且曰天下文章無我當歸阿士辭藻為後進
所宗每作一篇朝成暮編好事者咸為傳寫河朔亭苑柱壁莫不題之嘗侍梁武宴賦詩七首

帝嘉其才授秘書丞謂周捨曰天下第一官當用第一人有人文集數十萬言行于時兄弟及群從子
相愛時有七十人皆能文近世未之有也齊武帝時累遷祕書丞 孝綽負氣仗才多所陵忽每朝集

會同為公卿間無所諂度反呼驕卒訪道塗問事 三弟孝儀第
六弟孝威俱著名 子諒字求信洞悉晉代故事號曰皮裏簞書

劉顯

南北沈約於坐策顯經史十事顯對其九約曰昏忘不可受策雖然聊試數事不可至十顯聞
其五約對其二陸倕聞之擊席喜曰劉郎可人雖吾家平原詣張壯武王粲謁蔡伯喈必無此

劉

劉杳

南北字士深平原人伯懷珍父懷慰皆至顯宦杳博綜群書仕
梁官至尚書左丞清儉無雜好所著要雅高士傳等書行于世

劉勰

南北字彥和東莞人撰文心雕龍五十篇論古今文體欲取定於沈約無由自達乃負書侯約
於車前狀若貨賈者約取讀大重之謂深得文理又撰自古帝王賢達至於魏世通三十卷名

卷五

劉 晒

南北字延明涼州人少就郭瑀學瑀時弟子數百人有女始笄瑀心屬晒乃設一席謂諸弟子曰吾欲覓一佳婿誰坐此者晒即奮衣登坐曰延明其人也瑀以女妻之

劉 覽

南北字孝智彭城人孺之弟以母憂廬于墓嘗再期不嘗鹽酪食麥粥而已隆冬只着單衣家人慮不勝寒中夜竊致炭於牀下覽因煖得寐及覺知之號慟嘔血梁武帝聞其至性數使省

視服闋除尚書左丞當官清正無私

劉 璠

南北沛人九歲而孤居喪合禮少好讀書善爲文嘗謁蕭曄曄甚重之母居建康遭疾璠時在淮南未之知忽一日舉身楚痛尋而家信至云其母病璠即號泣戒道絕而復蘇當身痛之辰

卽母死之日奔喪毀瘠遂成風氣服闋後一年猶杖而起及曄終毘陵故吏多分散璠獨率曄妻還都墳成乃退後爲周文帝所得以爲中外府記室遷黃門侍郎儀同三司明帝初授內史中大夫掌綸誥

尋封平陽縣子所著有梁典三十卷併文集二十卷行于世子祥字休徵幼聰慧賓客見者皆號神童事嫡母以孝聞十歲能屬文十二通五經仕梁還車騎大將軍

劉 峻

南北字孝標平原人明慧過人聞人有異書必往借之人謂之書淫博極群書爲任昉之子著廣絕交論大略言因五交而生三蠹也梁武帝引見峻請紙筆疏十餘事坐客皆驚帝不覺失

色自是惡之及峻類苑成帝卽命諸學士撰華林偏略以高之竟不用孝標乃著辯命論以寄懷遊東陽紫巖山築室居焉卒諡玄靜先生梁末隱金華山著山棲志注世說新語識者謂前無古人

劉 昭

南北字宣卿平原人晉太尉寔九世孫注後漢書一百八十卷

劉 韜

南北字京兆人官建州因家焉居官廉明爲政慈惠或收寇或決獄或郵貢或拯難韜所至人則曰活我劉公至也其後孫領收峒寇有功諡忠簡孫純收邵寇賜廟封忠烈從孫怡死節諡忠

顯韜子子羽諡忠定子羽子珙諡忠肅世號五忠劉氏

劉 訐

南北字彥度平原人與阮孝緒劉歆爲三隱卜築鐘山有終焉之志孝標嘗與東云訐超凡越俗如半天朱霞歆矯矯出塵如雲中白鶴皆歆歲之梁稷寒年之織纈嘗着鹿皮冠被衲衣遊

山澤風神穎俊意氣
彌遠遇者以為神仙

劉

芳

南北字伯友彭城人處貧窘而業尚專固聰敏過人篤志墳典畫則備書以自給夜則窮經不寢著窮通論以自慰仕魏累遷中書令所撰述凡十有六書

劉

懋

南北字仲華芳之從子聰敏好學博綜經史善草隸書識奇字魏宣武初入朝位尚書外兵部郎中芳甚重之凡所撰定朝廷軌儀皆與參量時殿中郎袁翻達於從政臺中經事咸訪決于此二人既遷步兵校尉孝明初大軍攻陝右懋為李平行臺郎中城拔懋頗有功進太尉司馬卒家甚清貧死之日徒四壁立當時才雋莫不痛惜之贈持節前將軍諡曰宣簡所著詩文見稱於時又撰諸器物造作之始十五卷名之曰物祖

此二人既遷步兵校尉孝明初大軍攻陝右懋為李平行臺郎中城拔懋頗有功進太尉司馬卒家甚清貧死之日徒四壁立當時才雋莫不痛惜之贈持節前將軍諡曰宣簡所著詩文見稱於時又撰諸器物造作之始十五卷名之曰物祖

劉

虬

南北字靈預南陽人罷當陽令徙居江陵竟陵王累辟不就報書曰暢餘音于山澤托暮情于鳥魚豈以既翔之鴻復罹羅籠之苦也齊武帝造訪二子出見帝曰之選必以文章顯之亨當

以功名著已而果然之選字思貫八歲能文沈約任昉異之曰荆南秀氣果有奇才之亨字嘉會以司農卿出討南鄭大克為執政所陷封賞不行久之上讀張湯傳恨其立功絕域中傷者衆內侍張胤曰外聞論者竊謂之亨似之上悟乃封臨江子

劉

悼

隋字士元少與劉炫結盟為友俱以文學知名世稱二劉開皇中二劉與王劼同脩國史時朝廷詔求天下遺書炫偽造書百餘卷題曰連山易及晉史記等錄上進于官取賞而去後人訟

之得赦免罪悼卒門人諡曰宣德先生自贊云齊鑑驥跡並翼鴻鵠整素綳於鳳池記言動於麟閣

劉

善經

隋河間人博物洽聞尤善詞筆歷著作郎太子舍人著酬德傳三十卷諸劉譜三十卷四聲指歸一卷

劉

祐

隋滎陽人開皇初為大都督封索盧縣公其所占候如合符節嘗奉詔撰兵書十卷名同金輅後又著陰策觀臺飛侯玄象要記等書

劉文靖

唐武功人。擢庶有大志。隋末爲晉陽令。與太宗相友善。遂與之謀起義兵。高祖授爲典書。尚書。未幾遷右納言。太宗定天下。文靜之功居多。文靜自以材略功勳在裴寂之右。而位居其下。

意不平。家數有妖。其弟文定召巫厭勝。文靜有妾無寵。使其兄上變告之高祖。以文靜屬吏太宗。固請曰。昔在晉陽。文靜先建非常之策。始告寂知。及克京城。仕過縣隔。今文靜歟。盟則有之。非敢謀反。家。

文靜材略過人。性懷寬。險天下未安。留之恐貽後患。高祖卒用。寂言殺之。籍沒其家。文靜起義有大功。死非其罪。聞者寃之。

劉仁軌

唐字正則。高宗朝爲左僕射。時賊至。德爲右僕射。更日聽獄。有老。廼投牒至。德受訖。過復取之曰。本投解事。僕射乃不解事。僕射邪。

劉子翼

唐字小心。有學。行性剛直。朋友有過。輒面責之。退無餘訾。李百藥嘗語人曰。劉四雖復罵人人。終不恨。爲隋祕書監。唐太宗徵之。辭以母老不至。子律之博學。嫻詞賦。高宗召入弘文館。密。

典。唐初政分宰相權。時人謂之北門學士。

劉林甫

唐隋世選人。十月集至春而罷。人患其期促。貞觀元年。林甫爲吏部侍郎。議四時聽選。隋開註。擬唐初士大夫以離亂之後。不樂仕進。官冗不克。州府多以赤牒補官。至是皆令赴省選集者。

七十餘人。林甫隨才銓。事各得其所。時人稱之。

劉君良

唐瀘州人。四世同居。門內尺布斗粟。無所私。隋末荒饑。妻以計勸之。異居。君良因斥去。召兄弟。復同居。天下亂。鄉人共依之。衆築爲堡。號義成堡。其家六院同一庖。子孫皆有禮節。貞觀中旌。

其門

劉禹錫

唐字夢得。中山人。擢進士。登博學宏詞科。工文章。累官至集賢直學士。出爲蘇州刺史。以政最。賜金紫。服還。太子賓客。晚年以文章自適。白居易推爲詩豪。夢得與元微之。韋楚老在白傳。

集各賦金陵懷古詩。劉先成。白覽之曰。四人探驪龍子先。還味其餘。麟爪何用邪。於是罷唱會。昌初加禮部尚書卒。

劉資

唐字去華昌平人應賢長廷對極言宜寺福國考官馮宿等皆嘆服而具宜官不敢收李邵曰劉資下第我輩登科寧無厚顏乎

劉知幾

唐字子元彭城人藏器子博覽群書善文辭舉進士累遷鳳閣舍人脩國史著史通內外四十九篇徐堅歎曰為史氏者宜署此座右也開元初遷左散騎常侍兄知柔累官太子賓客封彭

補侯卒
世曰文

劉晏

唐字士安曹州人玄宗封泰山晏八歲獻頌帝奇其幼命張說試之說曰國瑞也賜遊宮貴妃坐之殿上親為進饌宮人遺花投果即授太子正字上聞曰卿為正字正得幾字對曰天下字

皆正惟有國字未正累遷京兆尹總大體不苛代宗立拜相領江淮常卒使理財甚有發後為楊炎所誣死之日家惟雜書兩乘米麥數斛而已天下以為寬

劉太真

唐宣城人天寶中舉進士官至刑部侍郎郎鍾宗宴曲江為詩群臣皆和太真詩為首

劉鄩

唐字漢藩句容人少日為李德裕所知後舉進士傷德裕抱憾死海上乃具狀自其冤得復官爵世高其義

劉長卿

唐字文房河間人開元時舉進士第正德中為監察御史以檢校祠部員外郎為轉運使判官知淮西鄂岳轉運置後善詩元好問曰學詩家有白首不能道長卿一句者有文集十卷

劉父

唐少任快晚折節讀書聞韓愈接天下士徒步歸之作雪車水柱二詩出盧仝孟郊之右因持愈白金數斤而去曰此諛墓中人所得不若與劉君為壽

劉弘敬

唐字元溥彭城人資財巨萬修德不耀人莫知之長慶初有善相者曰不久天期且至弘敬曰壽天天也先生其奈我何相者曰夫相不及德德不及度量君雖不壽而德且厚於度量又寬

夫一德可以消百邪猶享厚祿而况壽乎後有女將適人抵維揚求女奴用錢八十萬得四人焉內一人名蘭孫者風骨恣態殊不類賤乃名家子也弘敬曰此女衣冠之後不可婢使乃備妝資先女嫁之

是夜夢一人曰我蘭孫父荷君嫁女無以報今告天延君壽二十四年後過一年相者復至曰相君面可延二紀行何陰德而至此弘敬曰無他不忍以貴為賤嫁一婢耳後果延壽二紀而終

劉軻

唐字希仁曲江人善屬文馬極見之嘆曰
韓愈之流薦爲侍御史開戶著書甚富

劉師貞

唐字文通彭城人少年失母及長不記容狀至忌辰終日涕泣追慕廢寢食忽
夢見母狀及覺哀號乃刻木爲像敬事如生每有時新之物必先薦之而後食

劉贊

五代魏州人父玘爲縣令贊始就學衣以青布衫襦每食則自食肉別以蔬食食贊謂之
曰肉食君之祿也爾欲之則勤學以干祿吾食非爾之食也由是贊發憤力學卒舉進士

劉煦

五代字日輝潞州歸義人少以文學知名所撰有舊唐史通鑑等書行于世

劉昭禹

五代金華人爲詩刻苦嘗自云句向夜深得心從天外
歸後仕湖南爲天策府學士嚴州刺史有詩三百篇

劉熙古

宋字義淳寧陵人博通經史旁究陰陽象緯等書五代時攝第仕周爲毫
州推官入宋累官參知政事雖貴顯不改寒素所著有歷代紀要五十卷

劉孝忠

宋太原人母病經三年孝忠割股肉斷左乳以食之母病心痛劇又炙火掌中以分其痛母尋
愈及母卒爲儲富家得錢以葬富家養爲己子後富家兩目失明孝忠舐之復能視太祖親征

太原召
見慰諭

劉式

宋字叔度清江人太宗朝掌邦計者十餘年既卒家徒壁立惟遺書數千卷夫人陳氏指謂諸
子曰此乃父墨莊也其後諸子及孫並起高第爲時名臣孫敞字原父學問淵博爲文尤敏

瞻治平中在西掖一日進封皇子公主等九人立馬卻坐一揮九制文詞典雅累官至集賢學士所著
有公是集并兩漢刊訛歐陽脩世貢重望人莫敢抗者獨以博學推敞兄弟嘗携五代史就訂敞間以

體語酬之脩頗不樂後復忤韓琦敞將死囑子弟無遽出其集百年後當有知者私諡曰公是先生
敞弟敞字貢父博極群書與兄偕登進士熙寧初同知太常禮院初與王介甫甚相得安石執政屹不

肯附後出知曹州政尚寬平召爲國史編脩與司馬光同脩資治通鑑官至中書舍人有公非集行于
世貢父善戲謔嘗與王汾同在館中汾病口吃貢父贊曰恐是昌家又疑非類未聞雄名只有艾氣嘗

造王介甫有客獻策決梁山泊可得田萬頃但須得貯水之地介甫沉思者久之貢父抗聲曰此甚不難介甫以爲有策欣然問之曰別穿一梁山泊則足以貯此水矣 敵子奉世爲人簡重有法度常云家世唯知事君內省不愧作士大夫公論而已得喪常理也譬如寒暑加人雖善攝生者不能無病正須安以處之以章惇用事力乞外乃出知成德軍奉世字仲父與父叔齊名世稱三劉所著有兩漢刊

誤

劉清之

宋字子澄式之後與呂東萊朱晦翁汪玉山李巽若張廣漢講論義理之學爲天下倡光宗卽位御史胡晉臣薦公起袁州學者號爲靜春先生

劉隨

宋考城人進士及第通判益州後遷右司諫終天章閣待制隨爲言官以清直聞在蜀臨事明銳人號爲水晶燈籠比卒帝憐其家貧賜錢六十萬

劉孟節

宋壽光人少師神放篤古好學隱于青州之南治歐冶子鑄劍之地富韓公爲築室以居嘗賦詩錢之曰先生已歸隱山東人物空范文正公文潞公皆優禮之欲薦之孟節懇辭不就

劉幾

宋鉛山人好爲險語歐公惡之有一人論曰天地軋萬物而聖人發公曰此必劉幾也因戲批曰秀才刷試官刺以朱筆橫抹之謂之紅勒帛後嘉祐中公爲御試考官試幾舜性仁賦有曰

靜以延年獨高五帝之壽動而有勇刑爲四罪之誅公稱賞擢爲第一及唱名乃劉輝人曰此卽劉幾曷名公愕然久之祖母沒解官行喪禮有諸叔而嫡孫承重者自憚始常買田以贍族人之貧者又結

廬以迎遠方從學之士所著有東歸集

劉愚

宋字必明龍游人上舍釋褐居第一調江陵府教授蚤晚爲諸生講說同僚相率以聽日與葉適項世安議論不倦愚以隱居學道爲樂不樂仕進遂致仕妻徐氏在室時其母將以嫁姑子

之富者徐泣曰爲富人妻不願也遂歸于愚居破屋中目事機杼

劉昌祚

宋真定人以父贊戰沒祿爲右班殿直元豐中累官武庫軍節度使卒諡毅肅 昌祚氣貌雄偉最善騎射箭出百步之外夏人得箭以爲神持歸祀之所著有射法數卷

劉永一

宋夏縣人孝友廉謹熙寧初其水溢民多溺死永一持竿立門前見他人物流入者輒爲救出之鄉人負債不肯償立焚其券兄太爲警助教居親喪不飲酒食肉終三年司馬光傳之以

爲今士
夫所難

劉庭式

宋字得之齊州人舉進士通判密州後監太平觀以壽終初庭式約娶鄉人之女及事道士女以疾盲且甚其家不敢復言庭式卒娶之及婦死哭之甚哀蘇軾問曰哀生于愛愛生于

色足下愛何從生哀何從出乎庭式曰
吾知喪吾妻而已軾深歎以爲不可及

劉潛

宋定陶人少車逸有大志好爲古文舉進士歷知蓬萊縣代還過鄆州聞母疾亟歸母死一慟遂絕其妻哭潛亦死時人傷之曰子死于孝妻死于義

劉誼

宋字宜翁長興人爲江西提舉熙寧中上疏極論新法不便坐廢黜後隱于茅山子肅元祐間進士文章典麗尤善書黃山谷嘗稱之謂晉之羊欣復生嘗被命脩閣帖十卷所著有遺文五

十卷號見
南山集

劉義叟

宋字仲夏晉城人歐陽脩使河東薦其學術試大理評事累遷著作佐郎終崇文院檢討義叟強記多識尤長於星曆術數脩唐史時專令脩律曆天文五行志著十二代史並劉氏輯曆春

秋災異
諸書

劉渙

宋字凝之高安人天聖中爲穎上令剛直不善逢迎棄官歸隱廬山之陽歐陽脩與公同年高其節賦廬山高以美之中有丈夫壯節似君少之句朱文公守南康爲作壯節亭記子由稱

其水清玉剛廉潔不撓礫乎非今世之士張來云文章似司馬遷談而遷談無其氣節風節似疎廣受而廣受無其文學渙隱居三十載蕭然四壁號西澗先生子恕字道原誦書過目成誦嘗讀書家人

呼之食至羹冷不顧反求六經夜則不寐尋思義理年十八舉進士第一歷官至祕書丞博學強記萬好史學司馬光脩資治通鑑奏請同編脩王介甫與有舊欲引實三司條例恕不肯附新法固辭且言

造王介甫有客獻策決梁山泊可得田萬頃但須得貯水之地介甫沉思者久之其父抗聲曰此甚不
離介甫以為有策欣然問之曰則穿一梁山泊則足以貯此水矣 敝子奉世為人簡重有法度常云
家世唯知事君內省不愧作士大夫公論而已得喪常理也譬如寒暑加人雖善攝生者不能無病正
須安以處之以章惇用事力乞外乃出知成德軍奉世字仲父與父叔齊名世稱三劉所著有兩漢刊

劉清之

宋字子澄式之後與呂東萊朱晦翁汪玉山李巽若張廣漢講論義理之
學為天下倡光宗即位御史胡晉臣薦公起袁州學者號為靜春先生

劉隨

宋考城人進士及第通判益州後遷右司諫終天章閣待制隨為言官以
清直聞在蜀臨事明銳人號為水晶燈籠比卒帝憐其家貧賜錢六十萬

劉孟節

宋壽光人少師種放為古好學隱于青州之南治歐冶子鑄劍之地富韓公為築室以居嘗
賦詩錢之曰先生已歸隱山東人物空范文正公文潞公皆優禮之欲薦之孟節懇辭不就

劉幾

宋鉛山人好為險語歐公惡之有一人論曰天地軋萬物出聖人發公曰此必劉幾也因戲批
曰秀才刷試官刺以朱筆橫抹之謂之紅勒帛後嘉祐中公為御試考官試幾舜性仁賦有曰

靜以延年獨高五帝之壽動而有勇利為四罪之誅公稱賞擢為第一及唱名乃劉輝人曰此即劉幾
易名公愕然久之祖母沒解官行喪禮有諸叔而嫡孫承重者自輝始常買田以贍族人之貧者又結

廬以迎遠方從學之
士所著有東歸集

劉愚

宋字必明龍游人上舍釋褐居第一調江陵府教授蚤晚為諸生講說同僚相率以聽日與葉
道項世安議論不倦愚以隱居學道為樂不樂仕進遂致仕妻徐氏在室時其母將以嫁姑子

之富者徐泣曰為富人妻不願也
遂歸于愚居破屋中日事機杼

劉昌祚

宋真定人以父貲戰沒錄為右班殿直元豐中累官武庫軍節度使卒諡毅肅 昌祚
氣貌雄偉最善騎射箭出百步之外夏人得箭以為神持歸祀之所著有射法數卷